



Publicaziuns dalla vischnaunca, jamna 17

Elecziuns cantunalas, votaziuns federalas e votaziun communalas dils 15 da matg 2022

L'urna principala en casa communalas ei aviarta sco suonda: **Dumengia, 15-5-2022, 9.00–11.00**

La documentaziun da votar duess mintga votant/a haver obteniu. Cass cuntrari san ins s'annunziar immediat, denton **sil pli tard entochen venderdis, ils 13 da matg 2022, allas 14.00**, tier l'administraziun communalas (tel. 081 920 36 36).

Levgiament da votar

Mintga votant/a ha la pusseivladad da dar giu sia vusch a scret. En gliez mument sto el/ella observar il suandont:

1. Emplenir ora ils cedels da votar a maun e metter quels en la cuviarta da votar grischa e **serrar giu** ella.
2. Metter la cuviarta da votar grischa ensemen cun il certificat dil dretg da votar **suttascret** en la cuviarta alva, cun la quala Vus haveis obteniu la documentaziun da votaziun.
3. La cuviarta ch'ei adressada all'administraziun communalas saveis Vus tarmetter cun posta (supplicau da francar) ni directamein fierer en la scaffa da brevs dalla casa communalas.

Ils cedels da votar ston esser sil pli tard la dumengia, ils 15 da matg 2022, allas 11.00 tier l'administraziun communalas.

Aschinavon ch'ei vegn buca risguardau sura instrucziuns da votar, ein ils cedels da votar nunvaleivels.

Suprastonza communalas

Damondas da baghegiar

2022-1024.000

Datum dalla publicaziun: 29 d'avrel 2022

La patruna: Vischnaunca Disentis/Mustér, Via Cons 2, 7180 Disentis/Mustér
Il representant: ipz ingenieure + planer ag, Via Lucmagn 7, 7180 Disentis/Mustér
Object: Sanaziun dalla Via Davos-Mustér, parcella 855, 7180 Disentis/Mustér

2022-1025.000

Datum dalla publicaziun: 29 d'avrel 2022

La patruna: Vischnaunca Disentis/Mustér, Via Cons 2, 7180 Disentis/Mustér
Il representant: ipz ingenieure + planer ag, Via Lucmagn 7, 7180 Disentis/Mustér
Object: Translocaziun dalla senda da viandar existenta, parcella 1806, Péz Plaun Grond (Bostg), 7186 Segnas

2022-1026.000

Datum dalla publicaziun: 29 d'avrel 2022

Il patron: Remo Vogt, Via Crestas 20, 7183 Mumpé Medel
Object: Engrondaziun dil lidimer existent, parcella 2455, Via Crestas 30, 7183 Mumpé Medel

- Ils plans da construcziun ein deponi tier l'administraziun communalas.
- L'investa publica cuoza 20 dis dapi il datum dalla publicaziun.
- Eventualas protestas encunter sura damondas da baghegiar ein d'inoltrar a scret enteifer 20 dis all'instanza da baghegiar, caum postal 57, 7180 Disentis/Mustér. La protesta sto esser motivada e suttascretta dil recurrent ni da siu representant.

Disentis/Mustér, ils 29 d'avrel 2022
Uffeci da baghegiar Disentis/Mustér



Lubientschas da baghegiar

L'istanza da baghegiar ha concediu suandontas lubientschas da baghegiar:

Nr. 2021-1066.000

Sonja Coray-Capaul, Via Run 9, 7180 Disentis/Mustér; midada d'intent – localitad en in biro, parcella 717, Via Lucmagn 4, 7180 Disentis/Mustér.

Nr. 2021-1084.000

Vischnaunca Disentis/Mustér, Via Cons 2, 7180 Disentis/Mustér; adattaziun dil trasse dalla loipa, parcelas 2882/2885, Turatscha/Sars, 7180 Disentis/Mustér.

Nr. 2022-1008.000

Mazlaria Venzin SA, Via Sursilvana 23, 7180 Disentis/Mustér; construcziun d'in indrez fotovoltaic sin tetg e vid la fatschada digl edifeci nr. 34-A, parcella 889, Via Sursilvana 23, 7180 Disentis/Mustér.

Nr. 2022-1014.000

Antonio e Margrit Taormina, Via Luzzas 3, 7180 Disentis/Mustér; engrondaziun dalla surfatscha da habitar dalla habitaziun el plaun tetg, nova lucarna, parcella 1337, Via Luzzas 3, 7180 Disentis/Mustér.

Nr. 2022-1015.000

Admir ed Almedina Jasarevic, Via Soliva 17, 7180 Disentis/Mustér; construcziun d'in pool, parcella 3965, Via Soliva 17, 7180 Disentis/Mustér.

Disentis/Mustér, ils 29 d'avrel 2022

Uffeci da baghegiar Disentis/Mustér

Annunzias da baghegiar

All'istanza da baghegiar ei sin fundament digl art. 64, alinea 2 dalla lescha da baghegiar e digl art. 40 dall'ordinaziun davart la planisaziun dil territori dil cantun Grischun OPT vegniu annunziau suandonts projects:

Nr. 2022-2010.000

Vischnaunca Disentis/Mustér, Via Cons 2, 7180 Disentis/Mustér; tschentar in percurs da velos (pumptrack) temporarmein (treis jamnas), parcella 959, Via Cons 4, 7180 Disentis/Mustér.

Nr. 2022-2032.000

Giuanne Manetsch, Via Alpsu 8, 7180 Disentis/Mustér; sanaziun (colurar) dil tetg dil baghetg d'economia, edifeci nr. 721E/F, parcella 3633, Caischavedra, 7180 Disentis/Mustér.

Nr. 2022-2033.000

Proprietad en condomini parcella 1693, c/o Aluis Flepp-Hüppi, Via Clavaniev 3A, 7180 Disentis/Mustér; engrondaziun ed adattaziun dil balcon el plaunterren incl. montar in tschabergal, parcella 1693, Via Clavaniev 3A, 7180 Disentis/Mustér.

Nr. 2022-2034.000

Vischnaunca Disentis/Mustér, Via Cons 2, 7180 Disentis/Mustér; manteniment da sendas existentas «Biketrail, 2.1 Bike Cavorgia», parcelas 2341 e 3617, 7183 Mumpé Medel.

Nr. 2022-2035.000

Vischnaunca Disentis/Mustér, Via Cons 2, 7180 Disentis/Mustér; manteniment da sendas existentas «Biketrail, 3.1 Caischavedra-Bostg, 3.3 Piz Grond–Mises dil Bostg, 3.4 Mises dil Bostg–Prau Su», parcelas 1806 e 2541, 7186 Segnas.

Nr. 2022-2036.000

Vischnaunca Disentis/Mustér, Via Cons 2, 7180 Disentis/Mustér; manteniment da sendas existentas «Biketrail, 1.1 Bike Vergera», parcelas 2447 e 2508, 7183 Mumpé Medel.



Nr. 2022-2037.000

Vischnaunca Disentis/Mustér, Via Cons 2, 7180 Disentis/Mustér; manteniment da sendas existentas «Biketrail, 4.1 Plaun Menisch local», parcelas 2541 e 3014, 7180 Disentis/Mustér.

Nr. 2022-2038.000

Vischnaunca Disentis/Mustér, Via Cons 2, 7180 Disentis/Mustér; manteniment da sendas existentas «Biketrail, 4.2 Plaun Menisch local», parcelas 2650, 3014 e 3019, 7180 Disentis/Mustér.

Nr. 2022-2039.000

Pleiv Sogn Gions, c/o Willi Lozza, Via Cavardiras 5, 7180 Disentis/Mustér; sanaziun dalla tualetta el plaunterren, parcella 760, 7180 Disentis/Mustér.

Disentis/Mustér, ils 29-4-2022
Uffeci da baghegiar Disentis/Mustér

Cussegl da vischnaunca

Il cussegl da vischnaunca seraduna **venderdis, ils 29 d'avrel 2022, allas 20.15** en halla Cons.

Tractandas:

1. Protocol 12-2021/2024
2. Rapport da gestiun e quen 2021
(messadi nr. 21-2021/2024)
3. Ura da damondas
(conform ad art. 44 dil regulativ da fatschentas)

Il president dil cussegl da vischnaunca

Referendum facultativ

A caschun da sia seduta dils 25 da mars 2022 ha il cussegl da vischnaunca approbau unanimamein la revisiun totala dalla lescha davart l'economisaziun dils rufids ed il regulativ da taxas leutier.

Encunter quella decisiun ei enteifer il termin fixau buca vegniu fatg diever dil referendum, aschia ch'ella ha contonschiu vigur legala.

Suprastonza communal

Serrada dalla via d'uau Runfoppa

Muort lavurs da transport da lenna cun suga e camiun a Runfoppa Sut vegn la via da Runfoppa mintgamai ad esser serrada pil traffic motorisau sco era per pedunzs. Las lavurs entscheivan **gliendisdis, ils 19 d'avrel 2022** e cuozan prevedentamein entochen ils **20 da matg 2022** (dependent dall'aura). Per pedunzs ei igl access ensiviars garantius sur la via veglia viers Pégn Rodund. Per viadis urgents viers Runfoppa Su ein ils pertuccai supplicai da contactar il selvicultur Simon Cathomen, telefon 081 920 36 41.

Bien engraziament per l'enconuschientscha e capientscha.
Uffeci forestal Disentis/Mustér



Preavis serrada dil parcadi halla Cons

Installaziun d'in percuors da velos (pumptrack) avon halla Cons

En collaboraziun cun igl uffeci da sanadad dil Grischun ed il project «bischfit.ch» vegn postau sin il parcadi dalla halla Cons in percuors da velos (pumptrack). L'installaziun succeda naven dils 20 da matg 2022 e resta per rodund treis jamnas.

Cheutras vegn il parcadi avon halla Cons **serraus** naven dils **18 da matg** entochen ils **12 da zercladur 2022**.

Bien engraziament per Vossa capientscha

Jris Lombris, geraua sanadad, scolaziun, cultura e sport ed igl uffeci da baghegiar

Controla da habitonts

Naschientscha

Anna Mattea Candinas, naschida ils 13 d'avrel 2022, feglia da Barbara e Silvio Candinas

Mortori

Valentin Schwarz, naschius ils 13 da schaner 1941, morts ils 20 d'avrel 2022

Rimnada da pupi

Venderdis, ils 29-4-2022

Preziadas convischinas, prezias convischins. La rimnada da pupi d'avrel ha liug sco usitau.

Adatg! Ei vegn mo rimnau: gasettas, illustradas, catalogs, cudischs e prospects stampai.

Il pupi sto vegnir deponius sper via (sche pusseivel in di avon). Igl ei impurtont da ligiar bein il pupi e da buca far memia gronds pacs. Engraziell.

Nus rimnein buca cartun. Quel sa vegnir deponius a Raveras igl entir onn ora, e quei da gliendisdis tochen **venderdis (12.00–17.00) e las sondas (10.00–12.00)**, e buca duront la rimnada.

Bien engraziament per Vies agid e sustegn!

Nossa Scola populara Mustér, Ch. Berger

Pleiv s. Gions, Mustér

Radunonza generala dalla pleiv s. Gions, mardis, ils 3 da matg, allas 20.15 en halla Cons

1. Beinvegni
2. Protocol dalla davosa radunonza generala
3. Rapport dil president
4. Rapports da quen
5. Rapport dils revisurs da quen e scarica alla suprastonza
6. Elecziun da sur Mathew Kurian sco plevon a s. Gions
7. Elecziuns da suprastonza:
 - a) President
 - b) Ugau-baselgia s. Gions
8. Preventivs 2022
9. Fixaziun dil pei da taglia per 2023
10. Adattaziun dil regulativ da salarisaziun
11. Undraziuns
12. Orientaziuns
13. Varia



Suenter la radunonza vegn surviu in pign puschegn. La suprastonza envida cordialmein tuts parochians alla radunonza.

Corporaziun d'aua Spina da Vin, Disentis/Mustér

Invit alla radunonza generala dalla Corporaziun d'aua Spina da Vin, mardis, ils 10 da matg 2022, allas 20.00 en halla Cons, Via Cons 4, Mustér

Tractandas

1. Beinvegni
2. Elecziun da dus dumbravuschs
3. Protocol, approbaziun
4. Rapport dil president
5. Rendaquen, rapport dils revisurs e dar scarica
6. Projects novs
7. Preventiv e program da lavur
8. Elecziuns:
 - a) quater commembers da suprastonza
 - b) dus revisurs da quen
9. Orientaziuns
10. Varia

Suenter la radunonza vegn offeriu in refrestg mudest. Tuttas commembras e tuts commembers ein cordialmein envidai e beinvegni.

Corporaziun d'aua Spina da Vin
Per la suprastonza, il president: Aluis Flepp
